





1881



宛陵先生集



Centimetres
TIPPEN Color Control Patches
© The Tiffen Company, 2007

Blue Cyan Green Yellow Red Magenta White 3/Color Black



Inches 1 2 3 4 5 6 7 8


宛陵先生集目錄卷第五十二

和木叔看竹

明經武大義

和木叔看竹





宛陵先生集目錄卷第五十二

和永叔看竹

較藝呈禹玉

再和

和禹玉答永叔

和禹玉贈永叔

和永叔戲答持燭

重答和永叔

又依韻

和答永叔海棠

春雨呈主文

謝鵬和公儀

較藝將畢和禹玉

和公儀送白鵬

書事和韓子華

明經試大義

和永叔出省有日

和禹玉定號

和末叔寄張桂州

觀中樂書大字

同末叔和酬張淳叟

上馬和公儀

杜太師挽詞

送方云下第

送張待制知越州

送甥蔡駟下第

送唐紫微知蘇臺

韓持國遺洛筍

萊宣遺酒

送王寺丞睢陽幙

韓玉汝遺油

王幾道遺古瓦硯

送咸陽王主簿


和諸公觀予石榴花

送史供奉


呂晉叔遺新茶

送畢甥臨印簿

和公儀觀舞及畫



卷五十二 目錄二 共



目錄終

宛陵先生集卷第五十二

宋宛陵梅堯臣聖俞著

刑部廳看竹效孟郊體和來叔 用其韻

蒼蒼庭中竹事莫歎遲速不同欄下草一歲一
迴綠朝開花照曜暮落風相逐何如飽霜雪冬
夏森寒玉誰將種官舍本合近巖屋不可一日
無蕭灑看未足阮生豈其愚林中醉醺醪我當
明月時移床來此宿

較藝和王禹玉內翰

每詩

卷五十二

分庭答拜士傾心，却下朱簾絕語音。
白蟻戰來春日暖，五星明處夜堂深。
力槌頑石方逢玉，盡撥寒沙始見金。
淡墨榜名何日出，清明池苑可
能尋。

再和

廉纖小雨破花寒，野雀爭巢鬪作團。
手卷白雲光引素，舌飛明月響傾盤。
羣公錦繡爲腸胃，獨我塵埃滿肺肝。
強應小詩無氣味，猶慙白髮廁郎官。

謝永叔答述舊之作和禹玉

天下才名罕有雙，今逢陸海與潘江。
筆生造化多多辦，聲滿華夷一一降。
金帶繫袍迴禁署，翠娥持燭侍唵窓。
人間榮貴無如此，誰愛區區擁節幢。

較藝贈永叔和禹玉

今看座主與門生，事事相同舉世榮。
並直禁林司詔令，又來西省選豪英。
飛龍借馬天邊下，光祿供醪月底傾。
食葉蠶聲句偏美，當時曾記賦

將成

戲答持燭之句依韻和求叔

盧仝只有赤脚婢吏部曾喻似笑仝紅燭射眸
從結客清歌帖耳苦憐翁歸時雖已過寒食芳
物猶能逐暖風但點紗籠續清夜西園遊興古
何窮

重答和求叔

我家唯有一團月掛在颺颺草屋東玉兔已爲
公取玩更休窺望桂叢中

又依韻

多病相如不復云更何曾有卓文君他時我向
會稽去只是荆釵與布裙

刑部廳海棠見贈依韻答求叔二首

搖搖墻頭花萼萼有好色高枝笑粲粲低枝明
皦皦但與風相撩不與風相得風吹莫苦急游
子歎日昊彭祖與顏回相去猶瞬息每觀形影
篇曷在神所釋不可廢我嗟畢竟焉免白
搖搖墻頭花一一如舞娥春風買艷逸艷逸此

何多不爲遊蜂撓卽爲狂蝶過日光苦給給魯
叟白波波人生若朝菌不飲奈老何楊雄寂寞
居豈若阮生歌

春雨呈主文

蛟龍上漢魚潛動梁棟生雲鷲未知風點稍聞
寒瓦急玉條初向畫簷垂何郎夜聽應逢句謝
眺朝觀必有詩老大莫將文字困爲公牽強不
勝疲

謝鵬和公儀

聞有白鵬夢遂作白鵬詩詩記白鵬語意公於
鶴私公意無薄厚爾將聽我辭朝給一瓢水畫
給一盞糜曾不令爾渴曾不令爾饑事事不異
鶴安得於鶴疑鶴鳴爾不和鶴舞爾不隨無以
一供悅飽食番頑癡公所念爾久李白當畜之
白固有篇詠公偶未暇爲遣爾心不平謂此鈍
見遺我持爾此意請公吟莫遲公便納我言濡
筆灑淋漓書爾在南方野羽霜雪披弄啄紅豆
實飛上桄榔枝翡翠不敢顧孔雀不敢窺將擬

是白鳳脩尾晝連漪
虺頸而雞首
峩峩如有儀
而今與鶴爭
此識固已早
公初待爾厚
鷗兮知
不知

較藝將畢和禹玉

窗前高樹有棲鵲
記取明朝飛向東
家在望春
門外住身居華省
信難通
夜聞相府催張榜
曉聽都堂議奏中
龍閣鳳池人漸隔
猶因朝謁望
鰲宮

送白鵬與永叔依韻和公儀

致鵬猶恐鷗饑渴
細織筠籠小瓦缸
玉兔精神
憐已久
金鑿人物世無雙
休爭白鶴臨清沼
且律鳴雞向綠窓
美羽奇毛有多少
爾身高穩勝
他邦

書事和韓子華舍人

見憑蝴蝶過墻飛
却夢翩然入綺闈
欲撲翅輕
縈不住
覺時疑有粉沾衣

明經試大義多不通有感依韻和范景

仁舍人

明經與進士皆欲取公卿自是俗儒陋非於吾
道輕昔由羔鴈聘今乃草萊并不措一辭去緣
何祿代耕

出省有日書事和永叔

辭家綵勝人爲日歸路梨花雨合晴庭下鞦韆
應未拆籠中鸚鵡卽聞聲千門走馬將看榜廣
市吹簫尚賣餉已是瓊林芳草晚不須遊處避
門生

定號依韻和禹玉

言出君門日遙聞紫禁鍾詔書中使降駿馬上
閑供天下持平手毫偏不置胷文從有司較卷
是近臣封勝陣無容敵精兵已善攻明朝當奏
號鴛鴦看歸雝

寄桂州張諫議和永叔

桂林太守幾時行泛汴桃花浪已騰目極雲陰
低遠樹夜寒風急亂春燈巢鳴翡翠愁無限水
宿鴛鴦冷不勝陽朔山前好峰嶺爲公憐愛萬
千層

觀張中樂書大字

芝旭馳名世有孫大書如曉過秋原長松怪栢
皆成炭豫氏觀傍不解吞

張淳叟獻詩求叔同求叔和之

張君獻詩詩詞巧美女插花嬌醉春公答七言
夸筍筍我無千里學騏驎夜吟謝眺澄江練露
濕陶潛漉酒巾歸去應將錦囊貯已勝珠玉莫
愁貧

上馬和公儀

煙火千門曉欲開五花驕馬看徘徊井間已是
經時隔親舊全如遠別來帝闕重看多氣象天
街新霽少塵埃振冠浣服無容久便見池門放
榜催

太師杜公挽詞五首

國佐三公進師臣一品歸接賓忘素貴還綬遠
危機憶奉追尊冊當觀副輅旂生榮人莫及無
恨掩泉扉

慶曆中改謚章聖五后公
奉冊乘副玉輅出宣德門

既老仍開國因歸得賜金念懷知主意堅介見

臣心筆札尚存紙性情猶託吟向來門下客東

首淚盈襟前歲因侍講王內翰歸省其兄於睢陽上賜公金

莫怪霑襟血無由作弔賓故池歸去鴈春信見

何人已寫虛堂影猶鐫守冢麟門生與舊吏將

立道傍珉

言為當代法行不古人慙天子貴元老史官傳

美談名高漢亞相學士晉征南有子即家寶未

嘗金玉貪

見錄尋常詠親裝復手題言從永嘉後重與建

安齊自古難知己孤生每擇棲春風寄黃鳥為

向墓間啼去歲同在植郎中謁公公出手裝僕詩一軸

送方云秀才下第

從來釣者意豈不在得魚餌寡魚口多曾非投

竿踈向登百金貴首尾必吹噓竭澤古所戒但

保腹中書風雷變有時且復歸孟豬

送張待制知越州

滄海東邊會稽郡朱輪遠下相臣家已同雲漢

星庭轉不與鑑湖風月賒越箭抽萌供美茹秦

林語
卷五十一
山堆翠照高牙買臣嚴助來時貴破盜論功未足誇

送錫蔡駟下第還廣平

爾持金錯刀不入鵝眼貴已遭俗弃擲妄意堪憤惋他時有識別終必為寶玩懷之歸河朔慎勿輒鎔鍛改作毛遂錐穎脫奚足筭

送唐紫微知蘇臺

洞庭五月水生寒盧橘楊梅已滿盤泰伯廟前看走馬闔閭城下見驂鸞吳娃結束迎新守府

吏趨鏘拜上官曾過揚州能慣否劉郎蓋底勸須寬

韓持國遺洛筍

龍孫春吐一尺牙紫錦包玉離泥沙金刀璀璨截嫩節銅馳不與大梁賒持寄韓郎綠蒲東莫令衛女苦思家韓郎才調偏能賦分餉唯思楚景差因之善謔誦淇奧欲學報技無木瓜

萊宣遺酒

白日對芳樹靜夜愛明月我飲雖不多盃杓安

可闕破屋有空缸冷竈無黔突投餐聞韓辱乞
食使陶訥鑒此不求人終身其鏤骨儻有佳客
過未免貫袍芴風從東南來語向西北發西北
多鳳雛枝間報清越玉壺盛曉露贈置醉莫歇
却少可飲人爲告月休沒

送王正卿寺丞赴睢陽幙

廢園孝王國離宮天子都古今雖且異文物未
嘗無族有栽槐美名從得桂殊應聞漢丞相待
士倒樽壺

題玉汝遺油

朝讀百紙書夜成幾篇書明明白晝有陽烏點
點暗室無蟾蜍日晴湏藉外物光日月不到卑
鄙居君能置以滑油壺冥照文字燈焰舒婦將
膏髮雲鬢梳併底濁濃留脂車所益旣如此所
感當何如

王幾道罷磁州遺澄泥古瓦二硯

澄泥叢臺泥瓦斲鄴宮瓦共爲几案用相與筆
墨假賦無左思作書媿右軍寫初從故人來來

自邳郟下物因人以重謬當好事者

送咸陽主簿王秘校

昔見蘭叢牙今見連蔓瓜持入咸陽市本出故
侯家五色相鉤帶秦人應自誇行當七月薦乞
巧雜盤花

和楚屯田同曾子固陸子履觀予堂前

石榴花

堂下一匹鄭虔馬欄邊兩株安石榴但能有酒
邀佳客亦任狂花落素甌俗女紅裙無好色主

人白髮自侵頭欲歌翠樹芳條曲已去洛陽三
十秋

送史供奉汴口都大

河爲中國患亦爲中國利其患蓋堤防其利通
糧饋分流入浚汴萬貨都城萃積淫或暴漲旱
暵或滯竄疏導欲其宜經度有所異曩者多邀
功用之殊未至十私而五公歲久害愈熾潰溢
必歸尤廟堂難決議明明聖天子自選中常侍
銀璫插在貂身小勇且智上從廣武城下及淮

與泗迴險帖鑿繁所畫由所寄嘗以勤厥身又
能和衆吏前日有盡心于今病憔悴此職方藉
人加餐當自爲

呂晉叔著作遺新茶

四葉及王游共家原坂嶺歲摘建溪春爭先取
晴景大窠有壯液所發必竒穎一朝團焙成價
與黃金逞呂侯得鄉人分贈我已幸其贈幾何
多六色十五餅每餅包青藉紅籤纏素綵屑之
雲雪輕啜已神魄惺會待嘉客來侑談當晝永

送畢甥之臨邛主簿雜言

自我歷官三十年有脚未曾行蜀川李白嘗言
道之艱險長嗟難劇上青天鳥悲猿嚎馬蹄脫
苔梯雨棧愁傾顛蒼崖下窺不見底但聽雷聲
輓石懸湍濺曉盤青泥上高煙暮盤青泥到下
泉劔閣如劔巉然割腸刺恨今古連爾去三千
九百里巴山小馬烏皮鞵一婦一奚行李單家
具日貨能幾錢人皆畏避不敢往此獨敢往何
所便况是初宦無遠適心意自許非由銓異乎

林言
卷五十三
章七
哉我今送爾徒哀憐

依韻和公儀龍圖招諸公觀舞及畫三

首

落花淨掃青陰長野蝶閑飛綠草閒侍從退來
看鶴舞便將樽酒欲招閑

陰森園圃墻東地携挈兒童樹下吟更約天邊
鳳皇侶閱書觀畫味尤深

初約看花花已盡重新邀客客應歡真花既不
能長艷盡在霜紈更好看

卷第五十二

宛陵先生集目錄卷第五十三

送王介甫知毗陵 送曾子固蘇軾

送建倅沈太博 送王平甫擬離騷

送僧遊廬山 持國再遺竹筍

送僧惠思 送魯玉太博挽詞

蘇明允木山 哀國子黃助教

沅江李氏書堂 張寺丞改葬挽詞

讀黃節推卷 得陳天常斑竹

送余少卿知睦州 夜直廣文寄子固

重送曾子固

寄題江州齊雲樓

雲間月

和梅龍圖觀小錄

送鮮于秘丞黔倅

和閩職方暴雨

愛月

縉叔邀寄永嘉僧

和景彝馬上見槐花

送家靜知洛南

和景彝省中孤竹

求叔遺李氏新鴨脚

子履示秦篆寶

送王屋知縣孫秘丞

聽文都知吹簫

雜言送王無咎及第

目錄終

宛陵先生集卷第五十三

宋宛陵梅堯臣聖俞著

送王介甫知毘陵

吳牛常畏熱吳田常畏枯有樹不蔭犢有水不

滋穉孰知事春農但知急秋租太守追縣官堂

上怒奮鬚縣官促里長堂下鞭扑俱不體天子

仁不恤黔首逋借問彼為政一一何所殊今君

請郡去預喜民將蘇每觀二千石結束辭國都

絲鞵加錦緣銀勒以金塗兵吏擁後隊劔撾盛

每寺

卷五十三

三百八十五

前驅君又不若此革轡障泥烏欵行問風俗低
意騎更驚下情靡不達略細舉其麤曾肯爲衆
異亦罔爲世趨學詩聞已熱愛棠理豈無

送曾子固蘇軾

屈宋出於楚王馬出於蜀荀楊亦二國自接大
儒躅各去百數年高下非近局鈞陳豹尾科登
俊何炳緝楚蜀得曾蘇超然皆絕足父子兄弟
間光輝自聯屬古何相遼闊今何相邇續朝廷
有巨公講索無遺錄正如唐虞時元凱同啓沃

何言五百載此論不可告二君從茲歸名價同
驚俗

送建州通判沈太博

昔聞醉翁吟是沈夫子所作今聽醉翁吟是沈
夫子所彈聲如冰澌下石灘嚼齧碎玉遶齒寒
四坐整衣容色端醉翁雖醉無慢官其音正以
樂其俗便且安何害醕酌顏渥丹沈夫子邂逅
相遇必已歡玉琴能寫人肺腑人所爲難君不
難平明解船建谿去輕賫快意不長湍谿東白

茗象月團來奉至尊龍屈盤餘爲帶鈿與鱗片
散在六合雲漫漫况君五臟清如水宜飲沆瀣
采木欄更留瓦硯贈我看鄴宮鴛鴦誰刻剜

送王平甫擬離騷

識君兮不早君尚少兮我老蘭與蕙兮多薰奉
雜佩兮芳芬蘭倏往兮蕙隨心俯仰兮徘徊與
識吳兮吳樂嘗適楚兮楚悅君何爲兮我閭麒
麟繫兮不馳鳳皇蔽兮挑達均莫悲兮別離悵
公子兮何之絕大江兮無波奉赤鯉兮藉荷芰

蕤苻兮陳羹親意得兮忘榮世反是兮從貴聊
送君兮傷情

送僧遊廬山

欲遊廬山去將託楚舸梢暮行長河曲月上黃
公坳悠悠幾千里身世非繫匏恣觀瀑布虹不
畏潯陽蛟誦經東林下小宇結香茅

韓持國再遣洛中斑竹笋

牡丹開盡桃花紅斑笋迸林犀角豐兩株遠寄
川上鴻韓郎輟口贈楚翁便令剝錦煮荆玉茸

脛不道簞瓢空小謝舊城昭亭下侵天筍竹谿
西東螳螂生後出牙茁羅列滿地爭強雄是時
楚翁所食寡朝飯暮飯唯其充今來得此謂過
分一貴一賤物苟同

送僧惠思

大車高馬塵塞軌弄石洗泉人不喜慨然擺落
還吳都歸心勁於弦上矢強弩發復開矢往不
可迴常應笑鷲子時能海邊來

送曾玉太博挽詞三首

射策志何遠闔棺人共疑莫觴朋友去泣血毋
兄悲霧氣窓間盡車聲戶外知玉樓成作記此
語可能欺

自昔稱王謝于今亦盛門尚看珠樹秀應見玉
麟存書史辛勤學文章苦死論都然莫施設恨
向九原吞

試問於天下誰從百歲心短長從所盡禍福乃
相尋只以名賓實那論古至今未能忘物境空
復歎人琴

蘇明允木山

空山枯楠大蔽牛霹靂夜落魚鳧洲魚鳧水射
幾千秋蠹肌爛隨沙蕩流唯存堅骨蛟龍鏃形
如三山中雄酋左右兩峰相挾翊尊奉君長無
慢尤蘇夫子見之驚且異買於溪叟馮貂裘因
嗟大不爲梁棟又歎殘不爲薪爇雨侵薛澁得
石瘦宜與夫子歸隱丘

哀國子黃助教

儒者務欲博誦說窮冬秋衣裙未及解含珠以

見求閩稱黃天子常恐學不流有徒如浮萍匪
匪圍剗舟聚書將萬卷載行無馬牛去年來京
師滿篋分寄投半在吳楚間半入趙衛阨昨日
大官薦青袍變綈裘今朝爲異物寸祿與命讎
獨聞邯鄲公哀之使歛收曷其稟賦薄安得被
王侯旅殯欲焉託定將葬何州生爲四方遊死
當不擇丘豈必歸故鄉萬里過山頭

沅江李氏書堂

船從洞庭來非賈卽遊宦宦賈事風檣誰能樂

清晏不如蓄書史萬古無與間上觀堯舜仁下
覽魏晉篡善惡彼既殊智巧徒以辨君心於此
得用捨不自慢堂中羅高厨戶外望鳴鴈菰菱
可采掇魚鼈可釣汕卒歲身多餘世俗莫習慣
張堯夫寺丞改堯挽詞三首

洛陽交舊裏過半已凋殘在昔義投漆最先悲
闔棺誰知二紀水重十九原安聞說塞門路白
揚風更寒

當時嗟遽沒二子未能言頻歲折丹桂買坐遷

陸渾重銘太史筆不替故人恩爲善有終慶此
焉天意存

舊墳爲潤齧新塚得山深斬木來荒路移松出
近岑黃鸝啼棘上玉女問泉音強作挽人唱儻
知哀感心

讀黃節推卷

磊落黃從事清吟古氣多少年知任俠欲老解
登科辨起公卿坐時爲慷慨歌又持珠玉贈將
柰老貧何

得陳天常屯田斑筇竹二枚

客初西蜀來遺我雙筇竹上有紅淚斑斷非湘
娥哭嘗聞帝嵬哀嚔血滴草木春露灑更新殷
痕侵粉綠截爲扶衰杖萬里出洛谷今來入我
手君勤意有囑區區四十年重趼生兩足冠卯
三男子且與詩書讀翁雖文章窮尚以字遮目
忍弃不以教携歸事樵牧故茲九節贈用助老
追逐楊朱非爲岐賈誼非爲鵬及其悲慟時豈
不沾盈掬揮之儻着物無迹染林麓因持此竹

紋勿歎前人獨

送余少卿知睦州

青山峽裏桐廬郡七里灘頭太守船雲霧未開
藏宿鳥坡原將近見燒田養茶摘菜新春後種
橘收包小雪前民事蕭條官政簡家書時問雪
溪邊

夜直廣文有感寄曾子固

日暮蛛絲動月暗螢火明方茲步庭戶浩然懷
友生友生將東歸泛若赴海鯨已從龍門出不

慕朱鼈輕朱鼈過吳洲飛飛就東瀛沉浮未可
問名有萬里程須憂小水魴勞勞將尾頰

重送曾子固

楚澤多年一卧龍新春雷雨起鱗蹤誰知天上
爭騰躍偶落池中雜唵喞且自摧藏隨浪去何
當駕馭使雲從劉累只說古來有暫屈泥蟠莫
便慵

寄題沈比部江州齊雲樓

遠目不高不可極朱樓要與浮雲齊江流萬古

平決莽山雨一過寒凄迷賈客檣下望吹笛漁
郎浦前看斷霓欣飛射蛟水花伏高士種柳煙
條低羣鴈有時至自北洪潮到此不更西君家
隱侯有八詠風雅未盡留人題

雲間月

明明雲間月皎皎莫可指雄烏與牡兔萬歲不
生子三旬後乃合徒用成甲癸焉見下土物長
養各私已蝨蝎滿窟隙嗣毒自未已天地豈有
意盛德名不死

依韻和梅龍圖觀小錄

四百鸞皇羽翼成高低輕重出權衡他時俱作
公卿去誇是王家門下生

送鮮于秘丞

先通判黔州

壺頭山下俗巴婦曲中聽汲井熬鹽白燒田種
穀青巖風來虎嘯江雨過龍腥事簡能談者楊
雄所草經

依韻閩中孚職方暴雨幸涼

天津赫日欲焦拆西北風來斗減威太帝宮庭

無暑入大明冠佩退朝歸泠泠襲瑠璃簾弈
弈涼翻翡翠幃交扇不須煩素手淋漓誰復汗
頻揮

愛月

終夜每愛月見月常苦稀不雨卽雲晦何能藉
光輝儻有一夕明豈畏露濕衣素娥領玉兔孤
寡命亦微堂堂罕開耀多是半掩扉曾負萬家
望空似隨人歸一歲復一歲白髮思釣磯

呂縉叔云永嘉僧希用隱居能談史漢

書講說邀余寄之

奈苑談經者蘭臺著作稱吾儒不兼習爾學若
多能每愛前峰好閑穿弊屐登定將修史筆添
傳入高僧

依韻和王景彝馬上忽見槐花

六月御溝馳道間青槐花上夏雲山退朝側帽
驚時晚近樹聞香暗詠開新雨賈生車喜出舊
年潘岳鬢添班老慙太學無經術空飽虀鹽強
往還

送家靜寺丞知洛南

秦愛商於地信美洛水南銀鈿與丹砂鑿山民
爭會蜀客善製錦當先務桑蠶衣老以及少使
煦如春酣摘蔬有荀蕨釣庖有巖潭頗同故鄉
味將喜獲所諧

和王景彝省中詠孤竹

愛此孤生竹碧葉琅玕柯結根甘泉裏豈必秦
山阿曾莫學兔絲徒以附文蘿風迴掃庭戶夜
月誰與過

永叔內翰遺李太博家新生鴨脚

北人見鴨脚南人見胡桃識內不識外疑若椽
栗韜鴨脚類綠李其名因葉高吾鄉宣城郡每
以此為勞種樹三十年結子防山獠剥核手無
膚持置宮省曹今喜生都下薦酒壓葡萄初聞
帝死夸又復生第褒纍纍誰採掇玉椀上金鰲
金鰲文章宗分贈我已叨豈無異鄉感感此微
物遭一世走塵土鬢顛得霜毛

陸子履示秦篆寶

其文曰二十六年皇帝盡并兼天下諸侯

黔首大安號為皇帝乃詔丞相斯館
法度量則不一嫌疑者皆明一之

秦既并諸侯斯乃一度量鑄寶以求傳萬世俾
勿喪精銅不生花小篆著丞相一沒咸陽宮千
秋事更王陸君居洛城客有來渭上曰因農人
耕發壤破古藏遂獲此物還文完字何壯始號
為皇帝立語已超曠意將愚黔首覺起危博浪
其後同玉璽不隨驪山葬今蓄於君家徒爾資
奇尚物以用為珍異時皆似妄

王屋高送王屋知縣孫秘丞

王屋山高無猿猴下有黃河水滔滔天壇半夜
 見海白光動古邑雞先鳴雞先鳴絕吠爇巖居
 林栖吏莫搔山膚有時得虞獵不比羶肉烹連
 毛聞君今去將効陶縣前種柳芟蓬蒿不問公
 田問民俗民安事簡教兒曹河南太守喜愷悌
 如此可以無厭勞

聽文都知吹簫

晏虞部遣
求一見之

虞舜已去蒼梧野秦女駮鸞無復下簫管人間
 不解傳帝樂部中能亦寡欲買小鬟試教之教

坊供奉誰知者晏識文公始致來勸接賤生宜
 強且乃呼側坐吹一曲驚顧頓嘶堂下馬吾妻
 閨中聞不聞稚女拔簾笑嬌姪未敢多聽便遣
 還贈飲單盃向身瀉

雜言送王無咎及第後授江都尉先歸

建昌

白袍來黃綬迴來跨蹇驢迴跨馬麻源三谷桂
 花開江都作尉入風埃主人劉向西京才心如
 明月無不照恐君已到還鸞臺

開門無不閉
 蘇開玉橋
 白麻來黃
 毛開
 回問
 數眼
 蘭中
 強且
 宛陵先生集卷第五十三
 故
 來
 博
 封
 類
 主
 宜

宛陵先生集目錄卷第五十四

和王景彝憶秋 求叔七夕遺新酒

和求叔見寄 文豹篇贈黃介夫

送京西王提刑 送陸學士宿州倅

得君謨書并茶 三舍人見訪

送吉老兩浙提刑 求叔見訪

送石舍人還蜀拜掃

送劉學士還南京 送潤倅李屯田

寄題儀州書齋 哭孫明復

程文簡公挽詞

送蜀倅李殿丞

聞永叔廣文直

和公儀新居栽竹

贈陳京西郎中

送董著作知北海縣

送王學士知池州

讀永叔集古錄目

和永叔秋日郊行

送王學士使虜

哭王職方

和楊直講九日有感

王侍講原叔挽詞

送公儀龍圖知杭州

和夾竹花圖

送李端明知河中府

和永叔西齋植菊

和丁學士目錄終

宛陵先生集卷第五十四

宋宛陵梅堯臣聖俞著

依韻和王景彝憶秋

隴首欲看飛去雲
槎頭安得卷輕輪
流烏不轉西邊日
乘馬猶知果下人
空渴魏臺冰在井
從悲楚客淚緣中
炎炎赫日偏憎老
眼耳昏聾半塞塵

七夕永叔內翰遺鄭州新酒言值內直

請博詩不暇相邀

詰朝持鄭醞向夕望星津俗意願添巧古心思
變淳予窮少陵老公似謫僊人獨對金鸞月宮
詞付小臣

依韻和未叔父在病告近方赴直道懷

見寄二章

浴堂深殿近皇居秋夕詞臣直宿初宮女穿針
爭落月官奴持燭看殘書萬家乞巧心無盡斜
漢飛光望有餘枕上江山夢猶熟五更寒雨過
簾疎

玉轡瓏瓏出絳宮青槐馳道曉煙中塵頭尚裊
洗車雨馬耳前趨吹鬣風聞說自將身許國不
須仍以醉為公我今才薄都無用六十棲棲未
歎窮

文豹篇贈黃介夫

壯哉南山豹不畏白額虎澤霧毛雖雜鼯鼠朝
將具鬚暮為乳文章子雲久已許還笑大夫費
五穀天子仗中儀勿舉尾與旂常願看取

送韓欽聖學士京西提刑

王朝慎常刑恐民陷非辟分命遣使車謬枉得
舉摘兼之勸農桑欲野無曠隙韓侯夙所志功
利豈止百茫茫唐鄧間荒土無牛跡邵闕廢未
久柘陽仍舊白二地倘復管萬世不可易昔在
漢家時近親多占籍苟或非膏腴當應徙畿赤
每念輒歎嗟未能俾盡畫天將富斯民事與願
不隔其易謂何如拾芥由琥珀我今送韓侯書
以贈無責

送陸子履學士通判宿州

雷雨初過草木新汴堤楊柳綠陰勻已看畫舸
遂流水不惜長條折與人淮境秋傳蟬螿美郡
齋涼愛蟻醅醇睢南莫久留才子宣室歸來問
鬼神

得福州蔡君謨密學書并茶

薛老大字留山峰百尺倒挿非人踪其下長樂
太守書矯然變怪神淵龍薛老誰何果有意千
古乃與竒筆逢太守姓出東漢邕名齊晉魏王
與鍾尺題寄我憐衰翁刮青茗籠藤纏封紙中

七十有一字丹砂鐵顆攢芙蓉光照陋室恐飛
 去鑱以漆篋絨重重茶開片銜碾玉白亭午一
 啜驅昏慵顏生枕肱飲瓢水韓子飯糞居辟雍
 雖窮且老不媿昔遠荷好事紆情悰

韓子華吳長文石昌言三舍人見訪

當時載酒客共過草玄人今日一寒士能來三
 侍臣竹門容大馬金絡照諸隣雞瘦莫爲具阮
 家依舊貧

送吉老學士兩浙提刑

重本恤刑天子聖舟車持詔使臣賢部中漢吏
 無冤獄葑上吳人益美田重過故鄉逢故老一
 聞鳴鶴記山川不須歌管唯詩酒况有餘杭白
 樂天

永叔內翰見訪

七月二十六日

內相能來顧爲郎樂有餘兒童爭拂榻門巷劣
 容車掩扇知秋意窺牆省舊書經年三枉駕未
 與故人踈

紫芝星送石昌言舍人還蜀拜掃當舍人亦與

紫微星宿何煌煌掖垣華閣上相當舍人亦與
泰階近兩兩聯裾如鴈行其間飛星入王壘天
子賜告歸故鄉錦韉金轡照棧去文園渴令難
可望楊雄位卑纔執戟豈有爵祿多文章石公
官顯職且貴還家展墓酌椒漿太守趨塵里人
避岷山松栢風淒涼椎牛行酒與耆舊耆舊醉
歸呼此郎公置名分共其樂敦厚世俗時陶唐
郎呼只作曩日視安知鏘玉侍明光歸來却向
鳳池直詔言一出稱廟堂廟堂蕭曹不草草潤
色鼓動辭琅琅鼇頭蓬萊便可到蜀人更賀烹
猪羊

送劉元忠學士還南京

昔見相公登瀛洲今見公子為校讐鯤鵬變化
三千載我生安得不白頭君前拜恩父前慶暫
向南都乘順流南都留守頗為喜將吏入賀靴
聲道酒與銀瓮羊羹炙上下和煦移涼秋歸來
却上柳堤路西風健馬控花虬

送潤州通判李屯田

過江始與風沙隔京口山連北固牢刺史丰儀
 於體重邦人全伏此名高宴盤紫蟹方多味古
 寺青林不厭邀定挈傳家舊圖籍漕河應莫費
 吳艘

寄題知儀州太保蒲中書齋

中條挿遠近黃河瀉直斜蒲坂之城在其涯渠
 渠碧瓦十萬家官商工農各擾擾侯獨理齋窓
 照紗侯方守邊聽胡笳滿屋蓄書凡幾車他年
 不按清商樂亦莫學種東陵瓜老繫戰馬向庭

下厨架整妮齊籤牙朝聞鳴雞夕聞鷓眼昏秋
 匣生銅花兒孫誦習且盈耳客來休論常山虵

哭孫明復殿丞三首

魯國先生歿夷門吉士哀因讒君席遠時賻帝
 恩該寂寞高宮啓悠揚茜旒廻昔賢皆不免松
 下作寒灰

舊葉居東岱中年謁紫庭要塗無往跡至死守
 殘經詔許求遺藁朋隣與葬銘世人無怪我涕
 淚為之零

自古春秋學皆知不可過生前恩禮少歿後薦
章多妻子將焉託田園有幾何汶楊秋樹裏黃
鳥謾聽歌

程文簡公挽詞三首

嘗預嚴廊政終爲社稷臣作藩安舊俗飲酒得
賢人墓禮饒蕭咽明儀輅馬陳泉堂一經掩原
上只麒麟

將相榮難及唐虞世已遭名將官愈大節固位
同高哀悼王朝輟鐫埋史筆操空山伊水外松

栢冷蕭騷

關塞秋雲冷伊川苦霧陰薤歌金鐸碎蒿里石
宮深燃漆爲長夜栽松作茂林空留舊冠劍家
廟四時心

送李殿丞通判蜀州

嘗聞蜀國海棠盛因送李侯宜有詩日愛西湖
照空錦醉看春雨洗燕脂郡無公事中園樂民
喜羣邀匝樹窺望帝鳥啼空有血相如人恨不
同時晨鮮深淺非由染解賦才華未得知聞說

趙高今已老試教圖畫兩三枝

八月十夜廣文直聞永叔內當

聞向蓬萊宿鼇峰第幾層秋聲暗葉雨殘夢空
堂燈推枕感孤鴈抽琴彈壞陵誰知廣文直桃
簾冷於冰

和公儀龍圖新居栽竹二首

八月竹根移要雨逢陰便向阮家求請公靜聽
蕭蕭葉斗變江南一夜秋

都城有地誰栽竹只見寒樗與老槐聞種琅玕

向新第翠光秋影上屏來

贈京西陳郎中

忽枉乘輅車鏘然響金轡駐軫與我言琅琅有
深意乃知故相家事業已不墜信哉渥洼種千
里可立致顯祖實令君名聲取高位伯叔與懿
考聯榮重當世于今多昆孫朱紫紛曳地勉勉
崇令德蘇李著難至

送董著作知北海縣

君嘗佑王屬議平天下刑出宰得古邑農鋤多

帶經素琴伴飲酒綠蘚生訟庭舉首望海鴈高
懷在青冥

送王微之學士知池州

秋江渺然生寒潮北風吹帆上青霄旗脚舒舒
戰紅鬣旗心閃閃交皂鷗檣下健兒發金撓屋
上鸞僮鳴紫簫岸傍舟人望且拜溪口直入當
高譙正聞鼓角波動搖齊山舞翠挹岵巖郭西
猛虎夜莫入太守號令如怒飈長戈椿爾喉長
刀斷爾腰牙兵將吏無敢囂新威烈烈野火燒

讀水叔集古錄目

古史書不足磨璞鑄美辭周宣石鼓文已缺秦
政嶧山字苦隳西漢都無半畫在黃初而上猶
得窺下及隋唐莫可數竒言偉迹恐所遺信都
力粘大小軸集十爲秩仍第之隨目證訛甲癸
推青編是非皆究知有益於古今不疑碑雖滅
絕事弗移後人覽錄尚若披信都用意無窮期
天灰地燼乃終畢信都信都名愈出

依韻和水叔秋日東城郊行

郊原物老莽然中寓興驅車向國東夾道名園
 迷屈曲壓枝秋實亂青紅寒畦覆綠將收菜野
 蝶雙飛尚繞叢田父欣來問行幸依稀還似鬪
 鷄翁

送王景彝學士使虜

持節共知過碣石銜蘆相背有飛鴻地寒狐腋
 着不暖沙闊馬蹄行未窮隴上半羊衝密霰帳
 前徒御立駿風歸時莫問程多少却到河湟杏
 萼紅

哭王幾道職方三首

前罷邯鄲守孤高與世違青雲舊知在白首故
 園歸既沒無兒女元貧只帳幃平生洛陽友從
 此更應稀

我今過五十萬事日消磨熟識世間寡故交泉
 下多葉秋知易墮松耐竟如何嘗亦悲前哲荒
 墳野鼠窠

得君音信近安穩在緱山不是國醫悞寧辭蜀
 道艱終然有脩短猶免歷間關便作千秋別露

襟涕淚班君當入西川官雖抱病無由免待闕於緱氏因軀血國醫以藥下之乘虛

依韻和楊直講九日有感

也持黃菊藥時望白衣人昔荷從來厭茱萸
乍親護霜雲不散吹帽客何貧莫要悲搖落秋
花更勝春

王侍講原叔挽詞三首

衣冠今盛族蘭玉舊嘉聲博古無遺悞遭時有
重名蒐輿臨水發靈馬向郊鳴歸葬商丘外森

森栢已成

稽古逢堯舜鏘金侍冕旒生員尊鄭學子舍預
夔謀翰苑事猶著岱宗蒐已遊無情是天地玉
樹掩蒿丘
丹旒秋風急清笳曉月寒明衣衰草露素士挽
桐棺行哭賓徒盛觀儀里巷殫空餘舊編在千
載莫能刊

送公儀龍圖知杭州

在昔漢中徵我祖入吳門公今領名都千騎擁

高軒與古異出處素節古本原江觀白馬潮水
 花長鯨奔山飄月桂子天香一國繁壯奇已若
 此纖侈尚亦存舊聞其風俗色易而柔温太守
 朝駕車間巷焚蘭蓀太守暮還府燈燭照旗旛
 清歌延冠蓋廣湖浮酒樽成都與餘杭天下莫
 比論彼為公故鄉此為公偃藩吏民宜寡事愷
 悌有謠言

和楊直講夾竹花圖

桃花天紅竹淨綠春風相間連溪谷花留蜂蝶

竹有禽三月江南看不足徐熙下筆能逼真
 素畫成纔六幅蓴繁葉密有向背枝瘦節疎有
 直曲年深粉剝見墨縱描寫工夫始驚俗從初
 李氏國破亡圖書散入公侯族公侯三世多衰
 微竊質檐頭由婢僕太學楊君固甚貧直綠識
 別爭來驚朝質緜袍暮質琴不憂明日鐫無粥
 裝成如得驪領珠誰能更問龍牙軸竹真似竹
 桃似桃不待生春長在目

送李端明知河中府

才業人終服聰明帝所聞來希段干木去識大
馮君金絡鳴津口朱旗點鴈羣山河虞舊國簫
鼓漢橫汾古堞臨秋月高樓等白雲應同羊叔
子緩帶隔囂氛

依韻和永叔內翰西齋手植菊花過節
始開偶書見寄

晝惜日易沉夜惜月易曉重陽種菊花此意爾
大好所嗟時節晚又失澆培早開榮獨是遲造
化徒費巧霜前擁繁萼籬下同隕槁微根發再

綠復笑王孫草莊生語鵬鷃樂不計大小能齊
乃有餘但恐知者少常愛阮嗣宗遇酒醉則倒
杯中得賢趣世上逐金梟

依韻和丁學士陪諸公城東飲

黃花秋草滿荒臺聯馬鳴珂未欲迴上苑自將
馳道隔高林空望白雲開薦肴已去紗籠幕賜
醞新從蟻甕來天氣正清風景好重門雖禁不
辭杯

宛陵先生集卷第五十四

宛陵先生集卷第五十四
 目錄
 和池守王微之訪別
 寄題資州道勝堂
 送黃國博知撫州
 送韓善宰河南
 送刁主簿
 和末叔戲作
 送呂司諫使北
 和王平甫見寄人
 送秀倅孫都官
 得王介甫常州書
 司馬君實遺甘草
 逢雷太簡殿丞
 雷太簡遺蜀鞭

宛陵先生集目錄卷第五十五

和池守王微之訪別

寄題資州道勝堂

送黃國博知撫州

觀玉汝貢奉圖

送韓善宰河南

送刁主簿

和末叔戲作

送吳殿院使北

送呂司諫使北

送秀倅孫都官

和王平甫見寄人

得王介甫常州書

司馬君實遺甘草

逢雷太簡殿丞

雷太簡遺蜀鞭

得太簡蒙頂茶

送邠州呂簽判

送福建施提刑

戲寄江隣幾

送徐無黨歸婺

和求叔寄劉舍人

和襄州聞喜亭

許屯田新詩見訪

答祖擇之惠鮓

覽忠顯上人詩

和吳舍人對雪

送滑倅王秘丞

和次道答第寄懷

元日閣門拜表遇雪


王太丞立春早朝

上元夕懷子華


錢君倚日本刀

和梅龍圖入淮見寄

送和州周都曹



目錄終



宛陵先生集卷第五十五

宋宛陵梅堯臣聖俞著

依韻和池守王微之訪別

君榮初出守我老未東歸
病眼生花早蒼毛似
葉稀往還從更少談笑
暫相依不及秋鴻翼能
隨向楚飛

寄題資州錢固秀才道勝堂

醜壇舊山下高卧一儒生
有室羅經籍無心取
組纓芋肥收歲計柑熟
摘霜晴暫向京都見添

書入蜀城外效信林燕辭深韻曹向京格具承

逆水乘風上蒲帆滿挂檣日行知幾里江渺不

分疆宿浦隨潮入逢人問路長臨川十萬戶勸

勞執壺漿外更少箱天神林對不及林賦翼指

時世重古不重新破圖誰畫舊胡人臂鷹捧盤

犀利水鐵鎖獅子同麒麟翹翹雉尾插頭上深

目鉅鼻青搭巾塗朱點綠筆畫大筋骨怒露蠻

祠神茜袍白馬韓公子從何得此來秘珍定應

海客遠為贈中國未覩難擬倫公子自言吳生

筆吳筆精勁瘦且自我恐非是不敢贊退歸書

此任從嗔

送韓文饒贊善宰河南

退之曾作河南宰韓氏于今又見君縣政從來

人有望家聲不墜世多文後池分洛貯藍水高

檻看高迷嶺雲主簿堂前七葉樹手栽應莫已

剝焚

每寺

卷五十五

上

送刁秘校授漣水主簿歸四明省親

桂得嫦娥枝婦得黃姑女直歸東海頭翁嫗笑
相語何當却之官古縣入平楚莫嫌簿書繁百
事由區處

依韻和永叔戲作

琵琶轉撥聲繁促學作饑禽啄寒木木蠹生蟲
細穴深長啄歎鑑未充腹攏絃疊響入衆耳發
自深林答空谷上弦急逼下弦清正如螳螂捕
蟬聲坐中賓歡呼酒飲門外客疑將欲行主人

語客客莫去彈到古樹裂丁丁內賓外客曾未
聽乍聞此曲無不驚還憶昭君入胡虜烏孫帳
下邊馬鳴安知如今有樂事能使女奚飛玉觥
女奚年小殊流俗十月單衣體生粟言事關西
楊廣文廣文空腹貪教曲曲竒譜新偷法部妙
在取音時轉軸翰林先生多所知又笑畫圖收
滿屋不肯那錢買珠翠任從堆插堦前菊功曹
時借乃許出他日求觀龜殼縮我嗟老鈍不如
渠幸得交朋時借娛但樂休計有與無

送吳仲庶殿院使北

漢朝重結單于好歲遣名臣禮數增紫鼠裘
從去着飛龍厩馬借來乘天寒將遇積中雪鼻
息暗添髭上冰定見南鴻起歸思家書欲寄不
堪憑

送呂冲之司諫使北

虜人多竊朝廷禮譯者交傳應對辭羊酪調羹
尊漢使擅堂舉酒見闕氏矇矓白日穿雲出滌
漉黃沙作霧吹知去燕京幾千里胡笳亂動月

明時

送孫隱之都官通判秀州

柳條初落盡不折意徘徊泛汴趨殘水到吳看
早梅無耽聽鶴淚有信寄鴻來聞說閭亭改靈
光化劫灰

依韻和王平甫見寄

兄爲太守兩輪朱仲泛吳人燕尾艫且看洞庭
多橘柚莫懷江國有枌榆少遊山水殊非俗老
愛詩書又似愚百事輸君休問我風沙不比在

雲湖

得王介甫常州書

斜封一幅竹膜紙上有文字十七行字如瘦棘
攢黑刺文如溫玉爛虹光別時春風吹榆筴及
此已變蒹葭霜道途與弟奉親樂後各失子懷
悲傷到郡紛然因事物舊守數易承蔽藏搜姦
證繚若治絮蚤虱盡去煩爨湯事成條舉作書
尺不肯勞人魚腹將魚沉魚浮任所適偶能及
我爲非常勤勤問我詩小傳國風纔畢葛屨章

昔時許我到聖處且避俗子多形相未卽寄去
慎勿怪他時不惜傾箱囊知君亦欲此從事君
智自可施廟堂何故區區守黃卷蠹魚尚耻親
芸香我今正值鴈南翔報書與君倒肺腸直須
趁此筋力强炊粳烹鱸加桂薑洞庭綠橘包茸
漿舊楚黃橙線作瓢東山故游携舞娘不飲學
舉黃金觴谿如卷畫水泱泱刺船靜入白鷺傍
菱葉已枯鏡面涼月色飛上白石牀坐看魚躍
散星芒左右寂寂夜何長烏棲古曲傳吳王千

年萬年歌未央莫作腐儒針膏盲莫作健吏繩
餓狼儻如龔遂勸農桑儻如黃霸致鳳皇來不
來亦莫愛嘉祥

司馬君實遺甘草杖

美草將為杖孤生馬嶺危難從荷篠叟寧入化
龍陂去與秦人采來扶楚客衰藥中稱國老我
懶豈能醫

逢雷太簡殿丞

長安初見君君領微有鬚後於河內逢秀峻美

髯胡又會在桐鄉談詩多孟盧學書得天然鐘
王不能奴荏苒三十載邂逅遇京都朝接北扉
飯暮應西垣呼坐中如夢寐相語故人無昔由
處士召曾懷開廟謨今看髭已白議論耻非夫
拜章陳時事皆與相意符其識固不淺其用當
亦殊人多惜老大我復歎羈孤終朝重相笑為
君傾酒壺

雷太簡遺蜀鞭

蜀道山之峭壁如快刀一削平無痕其間春

雷驚龍走竹根迸石垂虺尾骨節瘦窳風霜吞
野夫采之縋懸蔓分寸脫死持還奔他人不可
得此物乃重太守公侯孫獻來一錢不肯要只
吃斗酒抱歸村太守立性豈諂貴將贈故人唯
義存我騎瘦馬固莫稱破韉爛轡沙塵昏明日
試執趨君門孰不怪視竊笑言

得雷大簡自製蒙頂茶

陸羽舊茶經一意重蒙頂比來唯建溪團片敵
湯餅顧渚及陽羨又復下越茗近來江國人鷹

爪夸雙井凡今天下品非此不覽省獨舛久無
味聲名謾馳騁因雷與改造帶露摘牙頰自煮
至揉焙入碾只俄頃湯嫩乳花浮香新舌甘永
初分翰林公豈數博士冷醉來不知惜悔許已
向醒重思朋友義果決在勇猛倏然乃以贈蠟
囊收細梗吁嗟茗與鞭二物誠不幸我貧事事
無得之似贅癭

送呂寺丞希彥邠州僉判

自有仲宣樂從軍仍近親關河歷周鄭風雪過

咸秦原上方驅馬鞍傍忽起鶉世家傳鈞玉重
問渭川濱

送施司封福建提刑

命使得才臣欽刑聖主仁銅苗休問發田種去
教親白茗出溪上紅焦連海濱輕車莫道遠詔
意重生民

江鄰幾暫來相見去後戲寄

低頭拜我蒼髯翁來如飛鳥去如風一夕共飲
斗柄北平明已向函關東衆中舊騎跛鼈馬塞

下新買連錢驄疾驅似逐鄧林目不肯暫住行
何窮

送徐無黨歸婺州

吳蠶吐柔絲越女織美紈機杼固已勤刀尺誠
獨難裁縫失分寸長短為損殘嘗聞仲山甫能
補帝袞完袞完民衣足天下無苦寒徐從信都
學染翦宜弃冠彼實山甫徒爾亦非絳劔東歸
道自勝人誰故時看

依韻和永叔內翰酬寄楊州劉原甫舍

東望淮海間恨無鴻鵠羽鴻鵠日已飛風雪歲
將暮憶聽談老莊達生無恐懼我今齒髮踈何
異樹有蠹辭別不必道俛仰已成故書問雖惟
為夢寐則往屢乘桴思仲尼好勇慙季路願希
隆中卧不是邀三顧二公廊廟才酬寄封尺素
臯夔久相稱舜禹時已遇舉杯向明月此意聊
可寓

和韓欽聖學士襄陽聞喜亭

亭欄下望漢江水淨綠無風寫鏡明日脚穿雲
射洲影槎頭擺子出潭聲檣帆落處遠鄉思砧
杵動時歸客情使者徘徊有佳興高吟不減謝
宣城

許仲途屯田以新詩見訪

許氏世工詩渾崇格力微獨能兼古律無不是
珠璣捧卷光蓬室停車照竹扉陽春復高調自
昔和人稀

答祖擇之惠黃雀鮓

李白勸爾莫逐炎洲翠亦莫近吳宮燕爾不聽
 此言禍患今乃見吳火時雖無越羅日生變空
 知稻梁肥豈悟盃盤薦我不聞爾聲謬成先生
 饌咀嚼勿言非雉鴈猶充饌

覽顯忠上人詩

昔讀遠公傳頗聞高行僧廬山將欲雪瀑布結
 成冰尋跡數百載歷危千萬層師來笑賈島只
 解詠嘉陵

依韻和吳長文舍人對雪懷永叔內翰

紫禁低雲拂綺櫳西垣人憶玉堂翁撚髭覓句
 方傳詠着樹成花尚舞空不管因風吹塞外任
 教飛片落杯中曉來城郭遮無路阮藉驅車莫
 歎窮

送王巖夫秘校通判滑州

昔聞信都侯嘗作畫舫齋空戶兩向闢罇席長
 對排左顧樹若岸右盼堵成崖既無風波虞但
 與物景諧一從信都去來者趣意垂屋室改庫
 廐花木為薪柴君當訪其蹟更葺安舊牌記石

儻尚在塵土加洗楷然後釀井泉吟醉前人借
寄言靈河守高此別乘懷

和宋次道答弟中道寄懷

陸家兄弟苦西東黃耳傳書近已通共歎流年
同轉轂各驚華髮似飛蓬河冰夜合知霜勁塞
霧朝開見日紅臘盡春來又相遠江南江北望
歸鴻

元日閣門拜表遇雪呈水叔

六花隨表拜東廂庭下遙呼萬歲長王會圖中

陳璧馬漢官儀裏濕旂常因風亂絮霑螭首似
鵝輕毛落井床素髮垂冠少顏色衆人休笑老
爲郎

日本大王樂道太丞立春早朝

近臣頭上黃金勝殿前拜賜東風應慕牙疏甲
簇春盤肉抹長絲何亘亘寬衣武卒舉至庭人
歸下飭殊難稱我家無火甑生塵幃柳絲花空
着興空着興將底爲但願得米資晨炊不管飛
翼與麥宜千官隊中身最早五日一謁前旒垂

與與奏上元夕有懷韓子華閣老

一歲老一歲新年思舊年東樓嘗共望九陌聽
爭先白髮更中笑舞姝應轉妍追隨都已倦強
對月明前

錢君倚學士日本刀

日本大刀色青焚魚皮帖欄沙點星東胡腰鞘
過滄海船帆落越樓灣汀賣珠入市盡明月解
條換酒瑠璃餅當壚重貨不重寶滿貫穿銅去
求好會稽上吏新得名始將傳玩恨不早歸來

天祿示明游光芒曾射扶桑島坐中燭明臙撇
遯呂虔不見王祥老古者文事必武備今人褻
衣何足道干將太阿世上無拂拭共觀休懊惱
依韻和杭州梅龍圖入淮見寄

東都車馬苦飛霾南國桅帆喜過淮船背插旗
風自展沙頭迎浪雪相排白魚已薦糟增味紅
稻新炊粟厭懷定似謝公吟遠岫錢塘應合有
高齋

送周直孺秘校和州都曹

箭頭破賊棄不為筆端射策取桂枝殿前脫袍
 改舊色庭下折腰其去時歷陽郡小太守好督
 郵官閑衆吏嬉江邊竹園啼竹雞竹裏種花春
 過遲東望望夫雲脚垂煙雨隔岸風檣歌濕鴈
 不起沙上斯君思歷亂如盜絲

宛陵先生集卷第五十五

宛陵先生集目錄卷第五十六

送分倅謝太傅 和永叔都亭館伴

送李學士契丹莫慰

送長洲邵簿 送薛比部

送次道學士知太平

和原甫楊州五題 送江陰晁太祝

送提舉朱職方 送晁太丞知深州

送少卿知宣州 和李學士北使見寄

送張秘校歸緱氏 送江東楊轉運

宜春宴射篇

送王太丞瀛州辟

送楚屯田知扶溝

呂山人同荆供奉

觀元忠小鬟舞

次韻奉和永叔

送王郡中知江陰

送闔郡中游山水

次韻和永叔嘗新茶

次韻再和

送泉倅許職方

目錄終

宛陵先生集卷第五十六

宋宛陵梅堯臣聖俞著

送謝師厚太博通判汾州

嗚官吳越飽粳稻况住南陽多水田北登太行
入汾曲正獲穞稗秋風前晉人朴厚自寡訟軟
炊玉粒河鱗鮮君方少壯齒頰健甘美不負經
腹便有意南飛寄我信滿川鳴鴈下連連

依韻和永叔都亭館伴戲寄

去年錄宿得聯華二月墻頭始見花今日都亭

公感物明朝太學我辭家

送李君錫學士使契丹弔慰

昨日匈奴來告哀殿門不識桃花開今聞君去
作弔使正值鴈噪從北迴風捲黃雲無遠近山
留白雪猶枯芟歸看車馬汗流沫逃暑爲傳河
朔杯

送邵裔長洲主簿

姑蘇城頭烏哺時長洲草綠春袍歸魯桑葉小
蠶出遲吳田水暖牛耕肥里胥爭迎縣寮喜入

門先自易綵衣拜親然後及王事簿書豈得長
相鞿

送薛公期比部歸絳州展墓

風雨梨花殘松栢墓門晚嗣子千里駒羊腸九
折坂春裘不畏寒行路未爲遠舊來河內守父
老將衣挽

送次道學士知太平州因寄曾子固

春浦楊花撩亂飛春江鮒魚來正肥采石新林
兒女去茭白蒲牙艇子歸歸令煮魚不得熟已

望使君船上磯上磯亦不待潮應爭牽篋纜泥
汚衣姑熟溪頭槌大鼓紅抹靴刀趨俯僂牙兵可
擬岸傍蘆森森甲立雄南土更得西州謝法曹
新詠定多傳樂府

依韻和劉原甫舍人揚州五題

時會堂二首

歲貢蜀岡茶似蒙
頂茶能除疾延年

今年太守采茶來驟雨千門禁火開一意愛君
思去疾不緣時會此中杯

雨發雷塘不起塵蜀崑岡上暖先春煙牙才吐

朱輪出向此親封御餅新

竹西亭

結雨竹西若若川揚州歌吹思當年劉郎若向
風前唱夢入青樓事固然

春貢亭

夢谷浮船穩且平泊登岡頂看茶生始從官屬
二三輩時聽春禽一兩聲

蒙谷

茗園葱蒨與山籠一夜春雷發舊叢五馬留連

未能去土囊深處路微通

崑丘

寺卽煬帝離宮

隋家宮殿昔初成不道荒涼獸迹行今日知來
高處望山川興廢使人驚

送江陰簽判晁太祝

去無珠履爲上賓進船申浦憶春申江田插秧
鶉姑雨絲網得魚雲母鱗青天折桂香未減紫
豉煮莼苳更新平時况可樂風月吳物信美聊
前陳

送晁質夫太丞知深州

蕪萋問古亭春入饒陽城豆粥君王遠壺漿刺
史迎地涼宜牧馬塞近慣調兵爲寄井泉石老
來思目明

送少卿知宣州

先歸雷上

汴水清明下宣城太守行鴨頭吳蕩綠燕尾楚
船輕族本三陽重詩從小謝清州民還最喜門
下舊通名

送朱表臣職方提舉運鹽

蜃竈煮溟渤航賊播楚越官權利言盈盜販弊
相汨連艘以轉致攪灰或沉沒雖使日鞭黥未
易窮姦窟朝廷用朱侯提職欲無闕侯因許專
畫拜跪陳其說曰臣有更張敢以肝膽竭荆湘
嶺下城恃遠不畏罰堂堂事私賈遮吏遭驅突
願使商自通輸金無暴猝淮江且循常約束備
本末國用必餘資亭民無滯物事下丞相府論
議不可拔從之東南蘇拒之財賦遏聽侯侯往
施所便黔黎活五味旣和調萬里銷狂悖汴水
桃花時犀舟順流發過淮逢絮鮎泊岸採蘆蕨
挂帆趨浪頭應不勞歲月

依韻和李君錫學士北使見寄

行色見車馬爲之具壺觴暫辭甘泉宮遠奉左
賢王蒙茸春裘薄匝金絡光唯知君命重不
數沙路長魯酒雖入脣胡笳易廻腸歸來立螭
頭言動書不忘

送張山甫秘校歸緱氏

去年來折桂今年來娶婦得意春風前還家寒

食後蓬巷鬧雞犬藤花蔭井臼緱山白醪醇重
酌高堂壽

送江東轉運楊少卿

世言楚使者乃是漢名卿曾是察黃綬但能勤
列城江山無改故草樹幾更榮有意息民甚不
同求羨盈

宜春宴射篇李駙馬請賦雜言

風雨未過桐華時宜春苑中梨萼披天子賜宴
羣臣嬉少年都尉方追隨暮歸遲喜聯留後兄

弟矍矍射熊皮侯宗戚族坐上少伯仲相顧驚
恩私鳳皇樓高玉簫吹金絡駁馬不肯騎自戒
危溢作後規何郎莫媿書與詩

送王樂道太丞

相如旣擊劔仲宣亦從軍二人當其時皆以能
賦聞韓公守武垣犀兵若屯雲幄中欲寄畫才
智莫有君請之天子所朝奏夕離羣爲沽斗酒
飲爲買赤鯉焚魚盡酒亦盡醉起衣袂分

送楚屯田知扶溝

客亭多少路花信幾番風折柳贈新翠種桃思
舊紅淵明節已異潘岳趣還同政治有餘力歸
來辭賦工

呂山人同荆供奉見過

街上春泥踏始開山人忽同供奉來老奴行遲
報我晚怒氣欲拔庭中槐聞說道心調伏久等
閑休要起嫌猜

觀劉元忠小鬟舞

桃小未開春意濃稍頭綠葉映微紅君家歌管

相催急枝弱不勝花信風

次韻奉和永叔謝王尚書惠牡丹

大梁有公子洛陽有游俠昔時意氣相憑陵不
問興亡事栽插栽紅插綠鬪青春春風與開春
雨颭兩都富貴不相殊走馬尋芳何合雜只聞
年少競爭先摘葉嗅花身更捷安知遺愛舊留
守馳獻百葩心浥浥尚書最重歐陽公盈盤分
去蜂偷獵但能為樂飲醇酒何必署名黃紙牒
翰林職清文字稀不比外官煩應接曩公為花

曾作譜端相用意隨蝴蝶擬王擬妃姚與魏歲
歲年年千萬葉還將顏色定高低綠珠雖美猶
為妾從來鑒裁主端正不藉娉婷削肩胛舊品
既著新品增偏惡妬芽湏打拉嘗憶同朋有七
人每失一人淚綠睫唯我與公今且存無復名
園共携榼公因尚書戴紅紫白髮欺公生匠匪
磨墨揮毫興不衰作詩坐使劉曹怯副本能傳
幸一觀口誦舌搖徒躡躡

送王郎中知江陰

持歸漢省青綾被去看吳都白馬潮疊鼓渡江
寒浪伏鳴鏡入境野雲飄魚穿楊柳誇鮮膾人
采芙蓉學細腰家有二槐為太守弟兄誰似李
文饒

送閻仲孚郎中南游山水

蜀山難於上青天聞之李白為舊傳蜀客往返
曾又然奇峰又與三峽連巫陽神女暮為雨飛
入楚臺王夢旃相如楊雄不道此宋玉景差其
賦偏西州才子邯鄲守懷章往代尚踰年家住

岷峨多此宦乘閑因借下江船未浮洞庭沅湘
去還探禹穴希馬遷春申樓觀已不見子胥怒
濤猶滿川錢塘太守同鄉里一見君來顏已喜
甘饌香脆與君游詩貯篋囊携不起浣沙溪頭
西子家自尋錦石苜蒲花掃歸成都與士誇君
平曾已悟星槎

次韻和末叔嘗新茶雜言

自從陸羽生人間人間相學事春茶當時採摘
未甚盛或有高士燒竹煮泉為世誇入山乘露

掇嫩莆林下不畏虎與蛇近年建安所出勝天
下貴賤求呀呀東溪北苑供御餘王家葉家長
白芽造成小餅若帶銚鬪浮鬪色頂夷華味甘
廻甘竟日在不比苦硬令舌宐此等莫與北俗
道只解白土和脂麻歐陽翰林最別識品第高
下無欹斜晴明開軒碾雪末衆客共賞皆稱嘉
建安太守置書角青翦包封來海涯清明纔過
已到此正是洛陽人寄花兔毛紫盞自相稱清泉
不必求蝦蟇石餅煎湯銀梗打粟粒鋪面人驚

村言
卷五十六
九
嗟詩腸久饑不禁力一啜入腹鳴咿哇

次韻和再拜

建溪茗株成大樹頗殊楚越所種茶先春喊山
搯白萼亦異鳥嘴蜀客誇烹新闢硬要咬盞不
同飲酒爭盡蚩從揉至碾用盡力只取勝負相
笑呀誰傳雙井與日注終是品格稱草芽歐陽
翰林百事得精妙官職况已登清華昔得隴西
大銅碾碾多歲久深且窳昨日寄來新巒片包
以籜蒻纏以麻唯能賸啜任腹冷幸免酪酏冠

弁斜人言飲多頭顛挑自欲清醒氣味嘉此病
雖得優醉者醉來顛踣禍莫涯不願清風生兩
腋但願對竹兼對花還思退之在南方嘗說稍
稍能啗墓古之賢人尚若此我今貧陋休相嗟
公不遺舊許頻往何必絲管喧咬哇

送許當職方通判泉州

乳鳥不遠飛乳獸不遠游異類尚有戀人獨安
所求許侯恰爲郡乃甘貳一州得以奉雙親時
物供膳羞竹箭水順疾紅旗插歸舟歸舟莫苦

急睢陽多舊儔丞相正喜士樽酒應爲留清源
六千里到日魚蟹秋

宛陵先生集卷第五十六

宛陵先生集目錄卷第五十七

送葛都官南歸 楊樂道留飲

項羽 送陳郎中知和州

送并倅薛水部 寄題靜居院

送大寧監洪秘丞 送江西馮轉運

和永叔景靈致齋 送當世知揚州

送單州蘇屯田 王平甫惠卧屏

送萬州武寧段尉 次答黃介夫七十韻

永叔見索敘述 送莫倅謝秘丞

送白秀才省親 送温州楚屯田

送僧在已歸秀 送祖印大師

題譯經院同文軒 和隣幾得墨竹二軸

求叔見過 韓子華見訪

送江寧董察推 和二學士見過

再和二學士見過 送閬州荆駐泊

江沈二學士見過 送壽州張司理

目錄終

宛陵先生集卷第五十七

宋宛陵梅堯臣聖俞著

送葛都官南歸

不羨新爲赤縣尹惟羨暫向江南歸江南鷁鷁
梅雨時風帆差差並鳥飛疊竿夾岸長若梳水
籠畜魚鮮且肥家在千山古溪上先應喜鵲噪
門扉

楊樂道留飲席上客置黃紅絲頭芍藥
洛陽賣牡丹江都買芍藥賣與富人歡買爲遊

子樂萬絲必同心千葉必同萼五色相淺深百
金相厚薄栽培動經年風雨便成昨蕭條洛陽
城索寞江都郭賴有一春花能無十千酌朝看
門擁車暮見門羅雀嘗聞月底人欲把月桂斫要
使清光多四海意開廓我亦愛明月常滿不願
落上弦過楊侯乃值寒雨作共飲三四人不覺
傳鳴柝持葩金谷豪朱黃何灼爍還思溱洧上
士與女相謔實此香草芳請我賦其略酒闌爲
追詠思拙筆屢闕

項羽

羽以匹夫勇起于隴畝中遂將五諸侯三年成
霸功天下欲滅秦無不慕強雄秦滅賁以德豁
達歸沛公自矜奮私智奔亡竟無終

送陳郎中知和州

藹藹尚書郎出爲二千石伯父歷將相兄弟皆
烜赫前罷永嘉守民俗遮阡陌獨將海松歸夸
與都下客今去烏江邊寂寞空舊跡當求虞姬
草無風舞隨拍城頭可曠望千里波月白俱助

使君歡平時遺吏責

送薛十水部通判并州

并州自古近胡地牛酒常行十萬兵少尹曾爲
五府辟將軍况有舊家聲桑麻故已知風俗丘
隴何須訪姓名聞說至今猶好馬試求安穩衆
中行

寄題西浴致仕張比部靜居院四堂

張侯歸靜居堂宇結四隅堂中何所有書畫羅
籤厨四堂各異名名異義亦殊夷心與會真內

以道德娛清白及金蘭外爲子孫模西南夜落
蟾東北朝生烏天門風相通盛衰理可無舊爾
松檜樹間之花石株雨晴氣候佳隣里或來俱
遣摘班林筍共持香粳盃飯畢循徑行不使僮
僕扶所至舊衣坐遍歷日過晡時遇園果熟甘
漿而粉膚就枝掇鮮美咀味銷冰酥以此樂歲
月豈是忘形軀禮法不我弃勞吝不我紆上不
媿二疎下不泛五湖自有逍遙趣幸世遭唐虞

送洪秘丞知太寧監

三峽蠻溪上千山楚俗兼婦人樵入市官井貨
專鹽魑魅或爲患獼猴常可嫌君能厚風化男
子使腰鏹

送江西轉運馮廣淵學士

五月江南行南風江惡逆乘潮雖有信不過淦
城去船經香爐峰前湏暫住三年少尹勞始
得看瀑布到官未必閑舉察憂財賦廻思廬山
傍塵土已生慮尚存滕王閣無忘一登顧

依韻和永叔景靈致齋見懷

翰林文字本雄強况復齋祠向靜坊高樹黃鸝
無去意深廊朱幕動微涼不嗟門外塵沙苦只
覺壺中歲月長庭下陰苔未教掃榴花紅落點
青蒼

雜言送當世待制知揚州馮

廣陵老人爭持壺酒朝言送少年使君暮言迎
少年太守少年俱是玉墀人文章快利生銅吼
莫作蕪城賦事往復何有莫聽嵇康琴商聲豈
堪又今當太平非不偶星宿煌煌羅北斗揚州

古富變荒涼萬俗一心依父母地包淮海江湖
寬貨走荆吳楚越厚開釀割羊願遇賓天下云
云不輕口

送蘇公佐屯田知單州

栢上有羣鳥一鳥飛向東方棲城頭與人司吉
凶八月禾已穫九月黍已春競持美酒相慶樂
年豐借問何能爾時平無困窮

王平甫惠畫水卧屏

臨流別君時羨君觀吳潮君行識我意遣畫一

幅綃畫作繞床屏滔滔隨驚飈前浪雪花卷後
浪白馬跳宛然千萬重不似筆墨描窳亞亂我
目坐卧疑動搖夜燈照河漢如有織女招朝日
下天憇東海無秦橋秦橋不可度織女不可邀
但慕乘桴公空能誦唐堯嘗聞挾柘彈意必在
食鴉終當五湖上歸去學漁樵

送萬州武寧段尉

希元

相見三十載喜君始成名新袍照江綠白髮憎
鑑明臨水必觀魚獨傷魚命輕朝為淵底游暮

為釜中烹彼方路艱遠其民亦天氓餒之則為盜非是惡厥生捕多勿夸能能在不犯兵

次韻答黃介夫七十韻

春風不擇草萬卉皆發萌盛夏一長養秋實俱與成春粒以蒸炊刈枯以煎烹工師調五音不問咸與謔自取衆律和黍谷動華英可以薦祖廟可以陳帝庭良將統萬卒所向若驚霆戰鬪衆益勇號今夜益明破敵必拉朽不見堅陣橫我觀欲物際亦在農力與我觀合奏時亦在考

擊并我觀成功日亦在間得情草木有美惡造化無喜憎五聲有高下一致不可評三軍用貔虎不較蚊睫螟大君設時綱廣海無漏鯨磊落黃夫子為學不自輕四十登賢科良賈售百朋得志豈計晚成名等衆榮舊交半存沒新知慕徒傾老鶴晴一嘆隨風無近聲好論古今詩品藻笑鍾嶸欲掃李杜壇未審誰主盟我衰百事倦白首聊窮經兩目生昏花猶勝張籍盲讀書愛日求秉扇自驅蠅但惡亂我思非與小物勅

清飈颯然來喜得如弟兄散帙空堂上垂冠髮
星星載誦堯舜篇幸今時太平不學遁世士投
竿泛東溟不襲貪生人煉氣驗日精不羨富貴
翁歌吹滿重城獨守螢火光莫學蟾蜍晶人生
轉頭間未免一銘旌區區逐甘鮮鼎鼎夸佩纓
安知西山餓熟識縣上耕彼勿歎鳳衰此正歌
鴻冥分合沒窮巷迹澀蹈高閣妻子易爲飽粟
帛不足營豈乏一器飯豈乏一杯羹肯爲濁河
濁願作清濟清韓愈嘗有言百物皆能鳴特稱

孟東野貧篋文字盈到死只凍餒何異埋秦阮
今我已過甚日醉希步兵神僊多羽翼一一飛
蓬瀛乃知無道氣難可強留形鄙性實樸鈍曾
非傲公卿昔隨衆一往或值謗議騰曰我非親
舊曰我非門生又固非賢豪安得知爾名是時
聞此言舌直目且瞠俄然我有答賢相持權衡
喜士同周公其德莫與京我去豈不送我往豈
不迎自爲筋力寡路遠艱於行未若歸教子遺
金徒滿籬歲月苦易得顏貌日可驚身雖厭役

役心亦遠，硜硜歸思。吳州橘夢，憶楚江萍。試看
兩圍碁白，黑何所爭。朝脫泥塗，困暮失雲衢。亭
物理既難常，達生重飛觥。曾以文豹章，遠喻子
懷能曩者。恃貴勢悔說，烏鳥靈鳥靈。反見怒終
恨，屈此誠當時。語頗錯，盍呼爲大鵬於茲。儻遇
之，應解頸頰頰。韻盡意未盡，且用此報瓊。

求叔內翰見索謝公遊嵩書感歎希深
師曾子聰幾道皆爲異物，獨公與余二
人在因作五言以叙之。

昔在洛陽時，共遊銅駝陌。尋花不見人，前代公
侯宅。深堂鏤塵埃，空壁闢蜥蜴。楸陰布苔綠，野
蔓纏石碧。池魚有偷釣，林鳥有巧射。園隸見我
來，朱門暫開闢。園婦見我還，便掃車馬跡。何以
掃馬跡，實亦畏他客。我輩唯適情，一葉未嘗摘。
他人或所至，生菓不得惜。又憶遊嵩山，勝趣無
不索。各具一壺酒，各蠟一雙屐。登危相扶牽，遇
平相笑噓。石搗雲衣輕，巖裂天窻窄。上飲醒心
泉，高顛溜寒液。下看峰半雨，廣甸非甘澤。夜宿

岳頂寺明月入戶白分吟露氣冷猛酌百易赤
明朝循歸途兩脛痛若刺日旰就馬乘香草路
迫阨却望峻極居已與天外隔薄暮投少林漱
濯整冠幘碑觀巡幸僧指古定空壁誓將新詠
章燈前互詆擿楊生護已短一字不肯易明年
移河陽簿書日堆積忽得謝公書大夸遊覽劇
自嵩歷石堂薛花題洞額其文曰神清固非人
筆畫乃知二公貴逆告意可順遂由龍門歸里
堠環數驛我時詩已答或歌或辨責責我不喜

僧性實未所獲凡今三十年累塚拱松栢唯與
公非才同在不同昔昔日同少壯今且異肥瘠
昔日同微祿今且異烜赫昔同騎破韉今控銀
轡革昔同自謳歌今執樂指百死者誠可悲存
者獨窮厄但比死者優貧存何所益

送謝師直秘丞通判莫州兼寄張和叔

河湟宿兵地勁勇天下聞侵疆古甚熾薄伐詩
所云往今勢且異利害理頗分遠以塘設險遂
輕甲屯雲昔傳嘗膽國能破怒蛙軍越雖隔大

相言
卷五十一
九
三十一
江吳遭若枯焚實由恃阻懈扶目悲伍員夫子
負美才議論高不羣况有令兄弟今亦貳河汾
助守戒不虞慎勿倚和獯張侯爲刺史大族獨
此君法明而不奇可共飾以文

送白秀才福州省親

士憂行不脩不憂祿不及之子久好學何患名
未立聖時開賢科子獨不肯入固非遠仕進服
暮難赴集南歸慰親顏道路正暑濕悠悠幾千
里赤日薄行笠暫憇青林下賴有寒泉汲漱齒

去塵埃土風湏漸襲

送温州楚屯田

鴈蕩山頭鴈如隨太守來秋風旣與至春日定
同迴上宰無忘舊明時必用才白於章句老經
冊向螢開

送僧在巴歸秀州

前歲嘉興火僧居化劫灰四方持鉢去千里渡
江來心向王成講緣從海客迴水天聞唳鶴不
復有塵埃

送祖印大師顯忠

黃紙賜祖印鑄名不鑄金力笑蘇季子貴望小
人深渡江見海月秋光上遙林團團冰玉盤瑩
然如禪心

題譯經院同文軒

有書無異文有車無異軌貝多得旁行白馬來
萬里清軒延高僧一歲譯幾紙譯罷坐焚香庭
草灑寒水

和江隣幾學士得雷殿直墨竹二軸

昔見雷子之小篆今見雷子之墨竹節瘦已似
蛟龍孫葉暗曾無鳳凰宿江翁得之尤愛憐作
詩寫意酬雙軸掛在空堂坐卧看如玩蕭蕭巖
畔綠莫疑昏黑眼生花松煤濃色切寒鷗不問
主人兼客至明朝騎馬到君家

永叔內翰見過

我居城東隅地僻車馬少忽聞大尹來僮僕若
驚鳥入門且坐笑豐頰光皎皎問我餐若何依
舊抱糜麩問我詩若何亦未離纏繞我庭有藜

莫不堪秣騶，裹我壺無醪。醴不能搞，介紹乃喜。百事稀來，此與世矯。固非傲不往，心實厭擾。

韓子華內翰見過

但見公軒過，未見我馬去。我懶宜我嫌，公曾不我惡。秋雨天街涼，蕭蕭綠槐樹。遙聽高車聲，騶導門前駐。僕夫驚入扉，遽曰能來顧。度量何其宏，始終不改過。索以新詩章，徧覽日欲暮。誠慙兜離音，唐突韶與濩。明朝當負荆，人莫識貴附。送董察推赴江寧

金陵從事去，不歎食無魚。尺鯉日登俎，故鄉時得書。衰荷摘短袂，秋蘚曳長裾。若見府公問，年來懶更踈。

次韻和司馬君實同錢君倚二學士見

過

棲棲太學官，日厭塵全積。朋游絕經過，都未昧相識。幸得養踈慵，不能事後役。天京二賢佐，向晚忽來覲。笑我似盧仝，環然空四壁。只欠長鬚奴，訴尹惡少摘。移榻近簷楹，談詩俄至夕。迴車

閭巷盜跛馬愁所歷平明看蒼苔已覺生轍跡

次韻和錢君倚同司馬君實二學士見

過

府僚忽方駕乃知決訟餘大尹不苛察羣吏不
牽拘嘗稱二三賢助治無偏隅新晴乘此涼行
行過我居何以延君子唯有滿牀書何以解君
願淡句無足娛何以留君久燈燭已照塗登車
莫言遠騶從美且都夾道行人止按轡寧馳驅
我老焉所羨送子立躊躇

送閬州駐泊荆供奉

青天不可上蜀道未嘗行每說褒斜險唯聞猿
鳥聲去爲千里客自握一方兵所重恩成立無
將遠戍輕

江隣幾沈文通二學士見過


東城車馬多巷無蹄與轍如何二賢豪侵晨顧
衰藹喜言雨後涼早暮脫炎熱愛子屋室靜塵
土都已絕不唯清耳目亦粗養愚拙江碑讀頭
陀沈賦賞雌霓固知世德高學問冠時哲我慙

於其間荆華叅蟻垤然推鵬鷁分自足不少別
君歸邀此吟把筆強搜抉



送壽州司理張元興


清川夜流明月光城上有烏啼女墻月明不掩
斗與氣烏啼未歸雲點霜霜寒月冷古時獄下
有苔蠹之雄銖水方軒眉大靈智見我西北天
門傍自言昔有切玉寶嗟今非後百鍊鋼用之
補履亦何益穎脫未如錐處囊誰能爲封華陰
土背負七星生焜煌君去味我書此意莫歎淮

水來湯湯



宛陵先生集卷第五十七





宛陵先生集卷第五十七

